

قاتل مائه - اسم الله التواب - شريف علي

شريف علي

كتاب انزلناه اليك مبارك ليذروا اياته وليتذكر اولوا الالباب السلام عليكم ورحمة الله وبركاته بسم الله والحمد لله والصلوة والسلام على رسول الله صلی الله عليه وسلم اه عايزين نصلي على النبي كده - 00:00:07

يا رب اشرح لي صدري ويسل لي امري واحلل عقدة من لسانني يفقوها قولي قال رسول الله صلی الله عليه وسلم ما اجتمع قوم في بيت من بيوت الله يتلون كتاب الله - 00:01:04

ويتدارسوه فيما بينهم الا نزلت عليهم السكينة وغشيتها الرحمة وحقتهم الملائكة وذكرهم الله فيمن عنده وقال صلی الله عليه وسلم ما اجتمع قوم يذكرون الله الا ونادي مناد من السماء - 00:01:16

ان قوموا مغفورة لكم قد بدلتم سيناتكم حسنات وقال صلی الله عليه وسلم من سلك طريقا يلتمس فيه علما سهل الله له به طريقا الى الجنة خرج رسول الله صلی الله عليه وسلم يوما على اصحابه وهم جلوس في المسجد - 00:01:35

فقال ما اجلسكم قالوا يا رسول الله جلسنا نذكر الله ونحمده على ما هدانا للسلام وقال صلی الله عليه وسلم الله ما اجلسكم الا هذا يعني احلف كده ان انت قاعد عشان كده - 00:01:55

قالوا يا رسول الله والله ما اجلسنا الا ذاك. قال اما اني لم استحلفكم تهمة لكم يعني مش يقول لك احلف عشان انا ايه بتهمك بالكرب يعني. يعني سؤالي ايكم لم يكن اتهاما لكم بالكرب - 00:02:11

ولكنه اتاني جبريل فقال ان الله يباهي بكم الملائكة وقال صلی الله عليه وسلم لله ملائكة طوافون في الارض يلتمسون حلقة الذكر فإذا وجدوا قوما يذكرون الله تnadوا هلموا الى حاجتكم - 00:02:26

فيه ملايكة فضلا يعني زيادة عن الحفزة وزيفتها اي الملايكة دي ؟ يلتمسون حلقة الذكر فازا وجدوا قوما يذكرون الله تnadوا هلموا الى حاجتكم فيأتون فيحفون المجلس باجنحتهم الى السماء الدنيا فيسألهم ربهم وهو اعلم بهم - 00:02:45

فيما اجتمع عباده قالوا يا رب يذكرونك ويسبحونك ويحمدونك فيقول فهل رأوني فيقولون لا يا رب لم يروك فيقول فكيف لو رأوني ما يسألون عبادي يا رب يسألونك الجنة اللهم انا نسائلك الجنة اللهم امين - 00:03:06

قال قال تعالى فهل رأوها ؟ فيقولون لا يا رب لم يروها. فيقول فكيف لو رأوها مما يستجير عبادي ؟ يا رب يستجيرون من النار خايفين من النار يقول فهل رأوها ؟ فيقولون لا يا رب لم يروها. فيقول فكيف لو رأوها - 00:03:25

اشهدكم يا ملائكتي اني قد غفرت لهم وفي روایة اشهدكم يا ملائكتي اني قد امنتهم مما يخافون واعطيتهم ما يرجوه فيقول ملك يا رب فيهم فلان ليس منهم انما جاء لحاجة - 00:03:41

يعنى عدى كده فلقى الناس قاعدة فقال ما اقعد اقول شف الناس دي بتقول ايه انما جاء لحاجة فيقول الله تبارك وتعالى هم القوم لا يشقى بهم جليسهم يعني واحد دخل المسجد فلقى ايه كان له مصلحة عند واحد هياخد منه حاجة فلقى الشيخ قاعد بيقول كلمة بعد الصلاة - 00:04:00

فقد يستناها هو مش جاي عشان يحضر الكلمة يعني فده كمان يتغفر له كده معه هم القوم لا يشقى بهم جليسه فالاحاديس دي في فضل مجالس العلم مجلس تحف الملائكة تتنزل السكينة والرحمة - 00:04:21

ورينا سبحانه وتعالى يذكرنا في المأعلى ويباهي بك الملائكة. طيب صلوا على النبي. عليه الصلاة والسلام عليه الصلاة والسلام. يعني دي كانت مقدمة بحب اكررها في كل الدروس - 00:04:37

عشان الناس ترتبط بمجالس العلم. تفهم أهمية المجلس حضور الدروس وسماع الدروس هيفرق معكم جدا الناس بتبيجي يوم القيامة
بتندم ان هي في الدنيا ما كنتش بتسمع قال تعالى وقالوا لو كنا نسمع او نعقل - 00:04:47

ما كان في اصحاب السعير آندهمان يوم القيامة ليه ما كانش بيسمع والشيطان حريص في الدنيا ان انت ما تسمعش ما تسمعش
موعظة لان الموعظة وسماع الدروس ومجالس العلم هي اللي هتغيرك - 00:05:04

فالشيطان حريص ان هو يحول بينك وبين اي طريق فيه سماع خير لك فاحرصوا على الدروس تبع الدروس طيب النهاردة بازن الله
آآ وقفات سريعة مع حديث في صحيح البخاري وصحيح مسلم - 00:05:19

عن ابى سعيد الخدري رضي الله عنه قال قال رسول الله صلى الله عليه وسلم كان في من كان قبلكم رجل قتل تسعة وتسعين نفسا
انا عارف ان كله حافظ القصة - 00:05:36

لكن بازن الله بازن الله النهاردة نحاول اه يبقى فيه وقفات مع معاني الحديث علشان تتغير بها بازن الله. فصلوا
على النبي هنا. عليه الصلاة والسلام عليه الصلاة والسلام - 00:05:50

قال رسول الله صلى الله عليه وسلم كان في من كان قبلكم رجل قتل تسعة وتسعين نفسا فسائل عن اعلم اهل الارض وفي روایة
فترضت له التوبة. وفي روایة فرضت له التوبة - 00:06:03

وسائل عن اعلم اهل الارض فقال فدل على راهب فاته فقال انه قتل تسعة وتسعين نفسا فهل له من توبة؟ فقال لا وفي روایة فقال
بعد تسعة وتسعين نفسا قال فقتله - 00:06:18

تكلم به مئة ثم عرضت له التوبة او ثم عرضت له التوبة وسائل عن اعلم اهل الارض فدل على عالم فاته فقال انه قتل مائة نفس فهل
له من توبة - 00:06:38

فقال نعم ومن يحول بينك وبين التوبة اترك ارضاك فانها ارض سوء وانطلق الى ارض كذا فان بها اناس يعبدون الله تعالى فاعبد الله
معهم فانطلق حتى اذا نصف الطريق اناه الموت - 00:06:54

فاغتصبت فيه ملائكة الرحمة وملائكة العذاب. فقالت ملائكة الرحمة لقد جاء تائبا مقبلا بقبله الى الله تعالى وقالت ملائكة العذاب انه
لم يفعل خيرا قط فجعل الله بينهم حكما آآ ملك على هيئة ادمي. فقال قيسوا ما بين الارضين. فالى ايتها كان ادنى فهو من اهلها.
فقاموا بوجدوه اقرب بشبر - 00:07:11

الى الارض التي يريد فقبضته ملائكة الرحمة وقال الحسن في روایة وقيل انه لما اتاها الموت جعل ينوء بصدره نحوه هنكلم دلوقي
تفصيل آآ كلمة في الحديث بازن الله - 00:07:38

لكن الحديث فيه آآ اشارة وتجلی الاسم من اسماء الله واسم الله التواب بداية كده يعني ايه يعني ايه كلمة آآ توبة؟
يعني ايه تاب؟ رجع يعني رجع - 00:07:54

تاب يعني رجع تاب وثاب وابي يعني ايه؟ كان واحد ماشي في طريق كده وبعدين لف ورجع ماشي؟ دي كلمة توبة. طب يعني ايه
عبد تواب يعني كثير الرجوع الى الله - 00:08:11

طب يعني ايه الله التواب يقبل الرجوع. قال تعالى وهو الذي يقبل الدعاء. يقبل التوبة عن عباده ويعفو عن السيئات ومعنى اسم الله
التواب يعني الذي يرجع على العبد بالتوبة. يعني ايه - 00:08:28

يعني قبل ما الانسان يتوب يتوب علينا. ربنا سبحانه وتعالى يفتح له ابواب التوبة. قال تعالى وعلى الثالثة الذين خلفوا حتى اذا
ضاقت عليهم الارض بما راحت وضاقت عليهم انفسهم وظنوا ان لا ملجأ من الله الا اليه ثم تاب عليهم ليتوبوا - 00:08:47

فمعنى اسم الله التواب اسم الله التواب ان ربنا سبحانه وتعالى ييسر لك اسباب التوبة يعني هو اللي بيتوه عليك بداية ربنا سبحانه
وتعالى يتوب على الانسان فالانسان ياخد خطوة فربنا يقبل التوبة - 00:09:08

فهمنا النقطة دي فاسم الله التواب انسان لما يعيش معه لما يفهم معنى الاسم ده لا يملك غير ان هو يحب ربنا سبحانه وتعالى انسان
كن بعيد بعيد عن ربنا وربنا يتوب على الانسان ده. طب ربنا بيتوه على الانسان ازاى - 00:09:24

يعني ايه صور توبة الله على العبد الله سبحانه وتعالى احياناً يبتلي الانسان بابتلاء مصيبة علشان يرجع يعني ممكن واحد يكون بعيد عن ربنا ومعرض وغافل ما بيصليش ويبيتلى بابتلاء معين بمرض او موت واحد صاحبه او اي حاجة رسالة علشان ايه - 00:09:40
يتوب علشان يرجع ممكن الانسان من غير اي رسائل ربنا سبحانه وتعالى يشرح صدره للتوبة. هو يحس كده ان انا ايه انا عايز اتغير
يعايز مسلا في دخلة رمضان يحس ان انا عايز اصلي. عايز اقرأ قرآن - 00:10:05
عايزه عايز التزم الزنب المعين ده عايز ابطله فمعاني وصور هداية الله وتوفيق الانسان للتوبة كتير كتير جدا طيب التوبة لمين يعني التوبة مين اللي مخصوص بالتوبة؟ كل الناس مين قال كل الناس - 00:10:20
احسنت يعني احنا عندنا تصور ان التوبة دي دايماً لاصحاب الكبائر. يعني لما يجي واحد يقول لك كده اه اصل انا ما بعملش كبار فانا
كده ايه الدرس ده مش مش لي اصلا - 00:10:39

يا جماعة من التصور الغلط ان انت لما تسمع كلام عن التوبة ان انت تخيل ان الكلام ده مش لك ان الكلام ده مش لك ده من الغفلة
انسان بيقى فاهم ان الكلام عن التوبة هو مش مخاطب به - 00:10:53

ربنا سبحانه وتعالى قال لقد تاب الله على ايه على النبي يعني قبل لما ربنا سبحانه وتعالى في سورة التوبة قبل ما يتكلم عن آآ الثلاثة
الذين خلفوا سيدنا كعب وسيدنا هلال ومرارة ابن ربيع. قبل ما يتكلم عن الثلاثة قال لقد - 00:11:07
الله على النبي والمهاجرين والأنصار اللي اصلاً اللي خرجوا في الغزو قال تعالى وتبوا الى الله ايه جمِيعاً لكن التوبة لمين؟ التوبة توبة
لاصحاب الكبائر يعني لما نسمع والكلام ده مهم ان احنا نسمعه - 00:11:21

يعني لما بيقى انسان تارك للصلة تارك الصلاة. تارك الصلاة اما واحد بيضيع الصلاة خالص ما بيصليش قال تعالى فخلف من
بعدهم خلف اضعوا الصلاة واتبعوا الشهوات فسوف يلقون غيّاً. واحد مضيع الصلاة. جيل كامل ما بيصليش - 00:11:37
فلما ضيع الصلاة اتبع الشهوات او ان واحد بيأخر الصلاة مواعيد الصلاة بالنسبة له ممكن يجمع الصلاة في اخر اليوم وهو بصلبي بس
بيجمعها في اخر اليوم بالنسبة له صلاة الفجر - 00:11:56

يعني ما لهاش ميعاد محدد قوي وهو بيصحى الصبح في يصلّي الساعة تمانية الساعة تسعه وهو نازل في آخر الصلاة. قال تعالى فوين
للمصلين الذين هم عن صلاتهم ايه ساهون يقول لك يعني ايه عن صلاتهم ساهون - 00:12:09
يعني يؤخرون الصلاة عن وقتها بغير عذر يعني يجمع الصلاة ويأخوها بغير عذر ويل ده ابن عباس يقول هذا واد في جهنم هزا واد
في جهنم لو ارسل فيه جبل لذاب - 00:12:24

فده لمين اللي بيأخر الصلاة قال تعالى في سورة المدثر قال وما ادرك ما سكر لا تبقي ولا تذر. يعني لو واحدة للبشر في اخر الآيات
الملايكه بتسأل قالوا ما سلككم في سقر؟ قالوا لم نك من المصلين - 00:12:42

فالنوبة لتارك الصلاة انسان بيضيع الصلاة بيأخر الصلاة النوبة اللي العاق لوالديه قال رسول الله صلى الله عليه وسلم ثلاثة لا ينظر الله
إليهم يوم القيمة ولا يزكيهم ولهم عذاب اليم - 00:12:58
اول واحد العاق لوالديه وقال صلى الله عليه وسلم ثلاثة لا يدخلون الجنة. يعني لا يدخلون الجنة ابتداء. اول واحد العاق لوالديه
الانسان اللي بيزعزع لابوه وبيشوح لامه وبيرد عليهم بيتجاهلهم - 00:13:17

ده يحتاج يفهم ان هو يحتاج يتوب ان هو بيعمل كبيرة من اكبر الكبائر قال صلى الله عليه وسلم اجتنبوا السبع الموبقات قال
الاشراك بالله وعقوق الوالدين بعدها على طول - 00:13:38

قال تعالى وقضى ربكم الا تعبدوا الا اياته وبالوالدين احساناً ان اشكر لهم ولوالديك متخيّل بس حجم ومكانة الاب والام فالنوبة للعاق
لابوه وامه النوبة لذنوب اللسان. الغيبة والنعمة الشتائم. قال صلى الله عليه وسلم - 00:13:53

كتير من كتير مننا بيشتمن عادي بيشتمن صاحبه بيسبه لابوه وامه. النبي عليه الصلاة والسلام قال آآ ان من اكبر الكبائر ان يسب الرجل
والديه فقيل يا رسول الله وكيف يسب الرجل والديه - 00:14:15
قال يسب الرجل ابا الرجل يعني واحد يشتمن واحد لابوه فهو صاحبه بيوجب معه فايه فيشتمنه بابوه اصحابه وحبائمه كده يعني

فيشتموا بامه فصاحبہ يرد ایہ یشتموا امہ فھنا هو ازای سب ابوہ وامہ ان هو جلب لهم ایہ - 00:14:29

الشتمیة النبی علیہ الصلوٰۃ والسلام قال ان الفعل ده اللي احنا بنعمله عادي ده ما ایہ من اکبر الكبائر. وقال صلی اللہ علیہ وسلم ان اللہ ان اللہ یبغض الفاحش البذیع - 00:14:47

ان اللہ یبغض الفاحش البذیع معلش عارف ان اول بدایۃ الدرس ان شاء اللہ حاسس ان احنا هنتكلم عن اسم اللہ التواب. فیعنی لازم بدایۃ الدرس نفهم احنا محتاجین نتوب لیہ. صلوا علی النبی علیہ الصلوٰۃ والسلام - 00:15:02

آآ وقال صلی اللہ علیہ وسلم ان العبد ان العبد ليتكلم بالكلمة لا يلقي لها بالا واحدة كده معدية قال فلانة دي کزا او بنت معدية راحت شافت صاحبتها فاتریقت علیه علی شکلها علی لبسها کلمة - 00:15:14

ان العبد ليتكلم بالكلمة من الغيبة والنسمیة والسخریة والاستھزاء لا يلقي لها بالا قال صلی اللہ علیہ وسلم فيھوی بها فی النار سبعین خریفا وان العبد ليتكلم بالكلمة من رضوان الله لا يلقي لها بالا فی رفع بها درجات فی الجنة - 00:15:34

کلمة یحاسب علیها الانسان قال صلی اللہ علیہ وسلم اتدرون من المفلس اه قالوا يا رسول الله المفلس فینا من لا درهم له ولا متعاع واحد معھوش فلوس قال المفلس من امتی رجل یأتی يوم القيمة بصلة وصیام وزکاة معه اعمال صالحة یعنی راجل صالح. یأتی وقد سب هذا وشتمنا هذا - 00:15:52

فک دم هزا واخذ مال هزا. فیه حقوق فیاخذ هذا من حسناته وهذا من حسناته حتى ان فنیت حسناته اخذ من سیئاتهم فطرحت علیه ثم القی فی النار - 00:16:12

نسأل اللہ العافیة ربنا يا رب یعني يتوب علی کل عصاة المسلمين يا رب ویهدی شباب المسلمين التوبة لمدمن الخمر مدمن المخدرات قال صلی اللہ علیہ وسلم ان اللہ تعالیٰ - 00:16:25

لعن الخمر وشاربه. حدیث کلمة اللعن محتاجین نفهمها یعنی ایه لعن اللعن یعنی الانسان یطرد من رحمة اللہ طب احنا محتاجین رحمة ربنا النبی علیہ الصلوٰۃ والسلام قال لن یدخل احدکم الجنة بعمله - 00:16:42

آآ الكلام ده كان بيتقاول لمین یعنی سیدنا ابو بکر قاعد وسیدنا عمر وسیدنا عثمان وسیدنا علی یعنی بيقول لهم ان اعمالکم دي سیدنا ابو بکر اعمالک دی مش هتدخلک الجنة. انت ممکن لو حد قال لك کده تقول له ازای یا عم! اعمالي ازای ما تدخلنيش الجنة! ده انا باعمل وباعمل وباصلي وقيام الليل - 00:17:06

اه لیه احنا شایفین ان احنا بنعمل حاجة قال لن یدخل احدکم عمله عمله الجنۃ. فقالوا ولا انت يا رسول الله هم اصلا ما رکزوش مع نفسهم قالوا ولا انت يا رسول الله؟ قال ولا انا - 00:17:24

الا ان یتغمدنی اللہ برحمته فاحنا محتاجین الرحمة فای ذنب واي معصیة فيها لعن الانسان یخاف منها لعن یعنی طرد من رحمة اللہ سبحانہ وتعالی التوبة واحد يقول لك انا ما عملتش اي حاجة من اللي فات ده. الكبائر دی الحمد لله ما عملتش منها اي حاجة - 00:17:37

التوبة من من الغفلة غفلة عن اللہ انسان غافل عن ربنا سبحانہ وتعالی غفل عن آآ رسالته في الحياة وهو هنا جای لیه هو جای هنا بیاکل ویشرب وینام ویتعلم ویتجوز ویشتغل ویجیب فلوس ویخلف ویخلوکم ایکم احسن عملًا آآ ابتلاء یعنی اختبار انت في

امتحان قال تعالی هل اتنی على الانسان حين من الدهر لم يكن شيئاً مذکور - 00:18:17

انا خلاقنا الانسان من نطفة امشاج لیه نبتليه نختبره فجعلناه سمیعا بصیرا. یعنی انت لک سمع ولک ایہ بصر. لیه انا هدیناہ السبیل اما شاکرا واما کفور یعنی ارسلنا الرسل وانزلنا الکتب علشان یفهم بالسمع والبصر یفهم الوحی - 00:18:35

وبعدين بين لك بقی طریق اما اعتدنا للكافرین سلاسل واغلاا وسعیرا. وبعدين ان الابرار نعیم اهل الجنۃ فانت هنا في امتحان الغافل ده محتاج یتوب یعنی التوبة مش بس لاصحاب الكبائر لـ الغافل محتاج یتوب وكلنا اصحاب غفل - 00:18:58

التوبة من العهود اللي عاهدنا ربنا علیها وما عملناهاش کم مرة خرجنا من رمضان وعاهدنا ربنا سبحانہ وتعالی ان احنا هنعمل هنعمل

كذا وهنعمل كذا هحفز قرآن وهصلی وهلتزم وهبطل المعصية الفلانیة وھعمل - 00:19:15

واخلفت عهدي مع ربنا ده مش محتاج توبة توبة من ايه کمان؟ التوبة من الاصرار على الصغار. احسنت. جزاک الله خيرا الاصرار على الصغار ودي نقطه کثير مننا ما بياخدش بالله منها - 00:19:33

ان احيانا ممکن يكون زنب صغیر زنب صغیر والصغر ده يتحول لكبیرة من الكبائر اصرار العبد على الصغيرة واستمراره عليها تحول لكبیر کان ابن مسعود آآ او النبي صلی الله عليه وسلم قال اياكم ومحقرات الذنب - 00:19:48

يعني ايه محقرات الذنب يعني حاجة انت بتحترقها حاجة شايفها صغیرة. ايه يعني ايه يعني لما نهزر مع بعض ونسلم باللاید ويبقى في بینا کده جو اسری لطیف واخوہ کده في الله وبتعال - 00:20:09

ايه يعني؟ ما فيش مشكلة فيستصغر ايه الذنب عادي ما بقاش شايف ان هو زنب فالنبي عليه الصلاة والسلام حزرنا من احتقار المعصية. اياکم هي ما فيش زنب كبير على رحمة ربنا سبحانه وتعالی. وعلى مغفرة ربنا - 00:20:25

قال تعالی ورحمته وسعت كل شيء لكن المشكلة فين؟ ان هو يحترق المعصية ان هو يشوفها صغیرة قال اياکم ومحقرات الذنب فانهن يجتمعون على العبد او على الرجل حتى يهلكنه - 00:20:42

ماشي فقال ابن مسعود ان المؤمن عبدالله بن مسعود قال ان المؤمن يرى ذنبه کانه قاعد تحت جبل يوشك ان يقع عليه. يعني المؤمن شايف الذنب بتاعه ايه جبل هينزل على دماغه - 00:20:55

وان المنافق يرى ذنبه کذباب مر على انهه وان المنافق يرى ذنبه ايه کذباب ايه؟ مر على انهه يفعل بها هکذا. ايه يعني مش مشكلة شوية زنوب يفعل بها کذا لأن ديانة عدت بس على مناخيره کده فيبيهشها - 00:21:14

فالتعامل ده مع الطاعة والمعصية محتاج توبة التوبة من ترك الانسان نصرة الدين ودي ما بنفكرش فيها النبي عليه الصلاة والسلام قال من رأى منكم منکرا فليغیره بيده بلسانه بقلبه وذلك اضعف الايمان - 00:21:36

التوبة ان انا بقیت بشوف المنکر وبقیت متعايش معه مش معنی کده في فقه في انکار المنکر. مش ده محل الكلام فيه دلوقتني لكن انا بتتكلم على اقل حاجة اللي هو انکار القلب - 00:21:55

فاھمين انا عايز اقول ايه؟ انکار القلب ان انت قلبك بيقى کاره المعصية تبقى مش عايز تبعد في المكان اللي فيه معصية قال تعالی في سورة الفرقان والذین لا یشهدون الزور - 00:22:09

واذا مروا باللغو مروا کرام يعني ايه ولا والذین لا یشهدون الزور؟ الزور هنا معناه ايه طب لا یشهدون يعني ايه یشهدون طب قال تعالی آآ فمن شهد منکم الشهر فليصمھ. يعني ايه شهد؟ حضر. طب والذین لا یشهدون الزور - 00:22:21

لا يحضرون الزور. طب الزور بقى ايه یشهدون الزور يعني يحضرون الزور. الزور بقى لما تفتح كتب التفسیر مسلا ابن کسیرة او حاجة. هتلایقیه يقول لك هي مجالس الغيبة والنیمة الغناء - 00:22:40

اه الفسق اه يعني اي مجلس فيه معصية من صفات عباد الرحمن في بداية الآيات وعباد الرحمن الذين یمشون على الارض هونا الى اخر الآيات من صفات عباد الرحمن ان هو - 00:22:53

لا یشهدون الزور ما ینفعش ابلى متواجد في مكان فيه معصية الا لو انا ايه بنکر على الاقل بقلبي قال وازا مروا باللغو مروا کراما. يعني ايه؟ اللغو لغوا هو الكلام الذي لا فائدة فيه لا في امر الدنيا ولا في الآخرة - 00:23:05

ھری يعني. زي ايه قال اذا مروا باللغو مروا کراما يعني يقول لك ايه؟ الکريم عکس اللئیم. يقول لك ابن مسعود مر بلغو قال فاعرض عنه. فقال النبي صلی الله عليه وسلم لقد اصبح ابن مسعود وامسى کريما. يعني اکرم ودانه ان هو یسمع ده - 00:23:27

ماشي؟ فده محتاج توب يعني وجود الانسان في مكانه في معصية في بيئه انا لازم اكون هنا التعامل القلب مع البيئة ومع المعصية ده اللي محتاج افکر فيه. ان انا لما قلبي یألف المعصية یبقى هنا محتاج افوق - 00:23:48

لما اتعود عالمعصية لما احس ان هي عادي لما اشوفها مش بس کده آآ ما عدتش شايف اصلا ان ده زنب يعني هي مشكلة خطورة انکار القلب انه مع الوقت بیختفي - 00:24:07

قلبه بيالف الزنب قال النبي صلى الله عليه وسلم ان العبد اذا اذنب زنبا كانت نكتة سوداء في قلبه فان تاب ونزع واستغفر صقل قلبه.
فان زاد زادت. لو استمر على المعصية حتى يعلو قلبه الرام - 00:24:21

الرن ده طبقة كده من الغفلة على القلب بتغطي القلب فما عدش شايف قال في حديث لا يعرف معروف كالكوز مجخيا. عامل زني
الكونية اللي مقلوبة كده ما تيجي تحط فيها مية - 00:24:38

مش هتدخل مستحيل كلکوزي مجخانا قلبه بقى مقلوب المفاهيم بتاعته اتنكست فطرته اتنكست لا يعرف معروف ولا ينكر منكرا الا
ایه؟ الا ما اشرب من هواه اللي على هوايا وعلى مزاجي بقيت شايف ان ده دين - 00:24:53

واللي مش على هوايا ومش على مزاجي بقيت شايف ان ده مش تبعي مش دين بقيت باصف اللي بيعمل حاجة مخالفه لهوايا ان هو
متشدد هنا في خطورة هنا ده يحتاج يسوق - 00:25:11

محتاجين نسلط الضوء ان في حاجة اسمها ايه؟ توبة. وان احنا كلنا محتاجين نتوب كلنا محتاجين نتوب. والتوبة يعني انا التوبة غير
المغفرة غير الاستغفار ولعل ان شاء الله لو ربنا قدر لنا مجلس ان احنا نتكلم عن المغفرة. لكن التوبة معنى ثاني التوبة ان انا واحد ما
كانش كان بيصلني قيام ليل - 00:25:26

كتير وكان ليه اوراد من الطاعة وسابها ده التوبة بتاعته ايه ان هو يرجع ثاني. يعني التوبة اما من ترك الامر او فعل النهي ثاني التوبة
اما ترك الامر يعني واحد كان المفروض ان هو يصلبي. كان المفروض ان هو يصل الرحيم. كان المفروض ان هو يبر ابوه وامه. كان
المفروض ان هو يبقى اخلاقه حسنة - 00:25:46

وترى الامر ده توبته ايه ان هو يعمله او فعل النهي ان هو نهي عن النظر للحرام فهو ماشي ايه؟ بيبص عادي لم ينتهي فده
التوبة بتاعته - 00:26:09

ان هو يترك ده فاحنا كده كلنا متفقين ان احنا محتاجين نتوب طيب ماشي. نرجع بقى ايه لحديث قاتل منها الحديث هنفهم منه
اسم الله التواب بازن الله قال رسول الله صلى الله عليه وسلم بازن الله ان شاء الله مش هطول عليكم يعني - 00:26:25
كان في من كان قبلكم رجل قتل تسعة وتسعين نفسا. لك ان تخيل ان النبي عليه الصلاة والسلام بيحكى القصة دي لمين؟ الصحابة
بيحكى لهم قصة توبة يعني هو التوبة ده مش كلام كده رائق كده للناس اللي هو اللي هو لسه سايب ازاذه الويسكي دلوقتي لأ مش
لازم خالص. التوبة - 00:26:44

لكل الناس زي ما اتفقنا. فقال صلى الله عليه وسلم كان فيمن كان قبلكم رجل قتل تسعة وتسعين نفسا وده بيعدي بسرعة كده احنا
بس مش واحدين بالنا هو عمل ايه - 00:27:07

يعني لك ان تخيل واحد دهبني ادم مش طبيعي. يعني هو قتل تسعة وتسعين واحد قتل تسعة وتسعين واحد يعني بس لو هو
عايش آآ ميت سنة مسلا ستين سنة - 00:27:22

فهو بيقتل في السنة ايه اتبين ثلاثة كده مستريح يعني القتل بالنسبة له ده حاجة ايه حاجة عادية زي الاكل والشرب فاللي بيقتل ده
بيعمل ايه يعمل اي حاجة يعني اللي بيقتل يشرب آآ آآ يقع في الفواحش في الزنا صح؟ هو بيقتل وهو اصلا وصل لاعلى حاجة خلاص
- 00:27:35

يعني هو ناقص بس الكفر ان هو يشرك فالراجل ده وصل لدرجة اللي هي ما فيش حد عارف يقول لك انا اصل انت مش فاهم انا
عملت ايه انا الدنيا بايطة معی خالص انا خربت الدنيا - 00:27:58

الراجل ده وصل لايده لا على حاجة خلاص يعني هو ايه قتل تسعة وتسعين بني ادم المشكلة مش في ده النبي عليه الصلاة والسلام
قال كان فيمن كان قبلكم رجل قتل تسعة وتسعين نفسا - 00:28:12

فعرضت له التوبة في رواية فعرضت له التوبة يعني ايه فعرضت له التوبة يعني رأى انه يحب ان يتوب. بس فعرضت دي يعني الفعل
ده مبني للمجهول يعني في حاجة في حد عرض عليه التوبة - 00:28:25

صح فعرضت له التوبة يعني ربنا سبحانه وتعالى قذف في قلبه حب التوبة ده مين ده اللي قتل تسعة وتسعين واحد ربنا بيعامل مع

اللي قتل تسعه وتسعين واحد. التعامل ده - 00:28:44

يعني واحد قتل تسعه وتسعينبني ادم ربنا يقذف في قلبه حب التوبة قال فعرضت له التوبة ودي بتحصل لنا كلنا ان كل واحد احيانا بتجي له رسائل من ربنا - 00:29:01

يجي له لحظة يقظة واحد صاحبه مات حس بانشراح للطاعة نفسى اعمل عمرة قرأ كلمة اية سمع درس سمع نصيحة من حد المهم ان هو قلبه انشرح لايء؟ للتوبة المشكلة هنا في تعامل الانسان بعد حالة اليقظة دي - 00:29:14

يعني كلنا اغلبنا في واحد صاحبنا في سنتا مات صح ولا غلط في حد هنا ما فيش حد في سنه او قريب منه او يعرف حد او شاف اخبار موت الشباب صح - 00:29:34

وبتيجي حالة من الایه انت فقت مرة واحدة كده وحسيت ان انت ممكن تموت فجأة لكن بعدها ما بيحصلش تغيير ركزوا في الجزء ده في فرق بين مشاعر الحزن ان انا زعلت ان حد مات - 00:29:47

وأتأسرت فرق بين ان الخبر ده ان انا فهمت ان دي رسالة من ربنا فانا محتاج اغير حاجة يعني بتلاقي مثال مسلا واحدة صاحبتها

ماتت احنا دلوقتي مش بنحكم على حد معين بعيته لكن احنا بنتكلم على الفعل. فصاحبتها دي مسلا ما كانتش بتصلني ما كانتش محجة - 00:30:03

ومسلا ماتت وهي كانت مصاحبة واحد. احنا احنا مش دلوقتي بس عشان ايه نفهم الكلام. انا مش بحكم على الشخص ان هو في جنة او في نار. دي بتاعت ربنا سبحانه وتعالي. لكن احنا - 00:30:24

اتكلم على ايه الافعال الظاهرة هو انسان تارك لاوامر ربنا سبحانه وتعالي تارك لفروض فده النصوص اللي عندنا بتقول ان هو ايه ممكن الانسان ده يعذب في القبر ويعدب في الآخرة. صح ولا غلط؟ متفقين على ده - 00:30:34

احنا بنتعامل مع اللي مات ده يقول لك ايه ان شاء الله آآ هو في مكان احسن دلوقتي فبتحس ان في تعامل زي في نوع من التخدير كده اللي فلان ده راح في مكان احسن اه وربنا ما بيأخذش غير احسن ناس مننا فتحس ان ايه - 00:30:51

ان في نوع من التخدير صح فلما بيحصل التخدير ده ما بيحصلش تغيير فلتلاقي صاحبتها ماتت على المعاصي دي كلها وهي ما فهمتش ان هي محتاجة تغيير اي حاجة غير ان هي عملت كود تويت بس كده كاتب اللهم ارزقنا حسن الخاتمة. بس كده - 00:31:06

طب فين بقى الخطوة طب الصلاة طب الحجاب ما فيش نفس الكلام في الشباب واحد صاحبه مات كان معه في العربية وعمل حادسه زي الرجال اللي كان عمل كانوا اتنين راكبين جنب بعض - 00:31:24

فقدام فعملوا حادسه فواحد مات والثاني عايش فراجل طيب كده دخل ينصحه يعني يذكره بالله وكده قال له استفدت ايه بقى من؟ قال له ان انا ما اقعدش قدام هو في ايه من اللي بيقعد قدام ممكن ايه ممكن يموت - 00:31:38

الشاهد ان واحد واحد اعرفه ده بقى دي بقى قصة حقيقة واحد صاحبي يعني صاحبه مات كان راكب معه في العربية وحضر الغسل بتاعه وقعد معي بعد الجنائزه وقال لي انا انا بعمل كزا وكزا وكزا ومحتجاج ان انا اتوب - 00:31:54

هو كان عنده حالة من اليقظة في الوقت ده. بعد فترة الاحساس ده ايه اختفى ما عدش موجود هنا قاتل مائة في درس في الحديث مهم محتاجين نتعلم ما ناخذش بالنا منه - 00:32:11

قال فعرضت له التوبة فايده فسأل عن اعلم اهل الارض. الفاء دي ايه بسرعة لما تيجي لك لحظة يقظة استجيب امسك فيها لما تيجي لحظة هداية امسك فيها لما يتفتح لك باب طاعة امسك فيه - 00:32:25

ما تقولش قدام ممكن الاحساس اللي عندك دلوقتي ده ما بيقاش موجود قدام فاهمين ده يعني ممكن تجييك رسالة النهاردة ممكن الشعور ده يخفت جواك مع الوقت ما عدش بالقوة دي - 00:32:47

يعني جات لها رسالة ان هي عايزه تاخذ خطوة كبيرة في الدين وبعددين اجلتها او اللي حواليها اثروا عليها فتراجعت فيها وبعد فترة الاحساس ده ايه تلاشى اختفى قال فسأل عن اعلم اهل الارض هو ما بيسألش عن حد عادي. هو الرجال قتل تسعه وتسعين نفس. فعايز يتوب عند واحد برضو من الناس الكبار يعني - 00:33:04

قال فدل على راهب بدل على راهب. فاتاه فقال انه قتل تسعه وتسعين نفسا فهل له من توبة آآ هنا في فضل العلم على العبادة.
الراجل ده كان راهب دخل عليه واحد قال له يا عم الشيخ انا عايز اتوب. قال له انت يعني عملت ايه؟ قال قتلت تسعه وتسعينبني
ادم - 00:33:27

الشيخ اتصدم يعني مش متصور ان في واحد ممكن يقتل تسعه وتسعينبني ادم. فقال في روایة بعد تسعه وتسعين نفسا يعني عايز
تشوف بعد تسعه وتسعين نفس قال فانتضي سيفه فقتله فكمel به منه - 00:33:53

والراجل ده مات ضحية جهله ضحية لسانه ان هو حتى لو كان يرى ان الشخص ده ليس له توبة مش هينفع يقول له في وشه يعني
ده قتل تسعه وتسعين نفس فهو ما عنده مشكلة ان هو يكملهم مية - 00:34:07

هو اكيد عنده مشكلة في الغضب. يعني هو ما بيعرفش يتحكم في غضبه فقتل تسعه وتسعين واحد فانت لما تقفل في وشه الباب ايه
اللي هيحصل اكيد هيموتكم يشوف في روایة وقال فانتضي سيفه فقتله فكمel بهما - 00:34:21

الراجل ده كان رايح يتوب من ايه يا جماعة؟ من القتل. عمل ايه قتل هنا في فايدة مهمة احيانا الواحد مننا بيبقى بيعمل زنب معين
والزنب ده منغص على عيشته والذنوب لها شؤم. المعصية لها شؤم - 00:34:36

ومنها ان الانسان بيحرم الرزق قال صلى الله عليه وسلم ان العبد ليحرم الرزق بالذنب يصيبه يحرم الرزق والرزق ده مش مش رزق
مادي بس يعني مش فلوس او مسلا ما جبتش الجي بي ايه اللي انا عايزه مسلا وعشان انا بعمل لا مش دي المشكلة - 00:34:53

الانسان ممكن يحرم الرزق هو التوفيق للطاعة يعني ممكن واحد يتحرم من عبادة معينة بسبب معصية كان السلف فاهمين ده. كان
فضيل بن عياض يقول اذا لم تقوى على قيام الليل وصيام النهار فاعلم انك مقبول - 00:35:11

مقبول يعني ايه؟ مقيد متكلف. كبلتك الذنوب كان ابن القيم يقول ان من عقوبة المعصية تلبيها. يعني انسان بيعمل ذنب
في عايب على الذنب ان الذنب ده يفتح له ايه - 00:35:29

زنب ثاني هو بيكرز عشان يتجمل في وسط الناس فكرب كربة فعشان يحافظ على الكربة دي بيعمل ايه هو عمل حياة موازية اصلا
كلها كرب عشان كربة واحدة فمعصية وصلت لايه - 00:35:46

نفس الكلام آآ واحد كان معجب بواحدة الاول بداية النظر الحرام ما غضش بصره ما استجاش لامر ربنا سبحانه وتعالى. اطلاق بصر
بعدين تعلق بعدين حصل آآ آآ بينهم تجاوزات وصل للفاحشة. هي البداية ايه - 00:36:03

كانت نزرة احرز المعصية في المعصية يقول لك الذنوب ابن القيم يقول الذنوب جراحات رب جرح وقع في مقتل الذنوب ايه؟
جراحات ويمكن واحد يعمل معصية المعصية توقعه خاصة زنوب الخلوات - 00:36:19

واحد بقى مين قال صلى الله عليه وسلم اني لا اعلم اقواما يأتون يوم القيمة بحسنات امثال الجبال تهامة بيضاء ناس جاية بايه
حسنات زي الجبال حسنات زي الجبال قال فيجعلها الله هباء منتورا - 00:36:38

الجبال دي طارت فالصحابة اتصدوا قالوا يا رسول الله صفهم لنا جلهم لنا الا آآ آآ نكون منهم ونحن لا نشعر قال الا انهم منكم ومن
جلدكم ويأخذون من الليل كما تأخذون. يعني بيصللي قيام الليل. قال ولكنهم قوم اذا قوم اذا خلوا بمحارم الله انتهكوهها - 00:37:02

في السر بيعصي ربنا سبحانه وتعالى فخطورة ان الانسان يصر على المعصية ان هو ممكن يحرم اصلا الطاعة. ممكن يحرم الهدية
يعني المفاهيم عنده تتبدل ما عدش شايف الحال والحرام - 00:37:26

لان المعصية بتفسد القلب والقلب ده هو اللي بيابه قال صلى الله عليه وسلم الا ان في الجسد مضفة اذا صلح الجسد كله.
وازا فسدت فسد الجسد كله الا وهي القلب - 00:37:42

فالمعصية بتفسد القلب بتؤثر على القلب بتعمل قلب فلما القلب ده يتععمي هو ما عدش قادر ما عدش عارف يميز بين الصح والغلط
لما الرجل ده كان رايح يتوب من القتل عمل ايه - 00:37:57

قتل. يعني ممكن واحد يقرر ان هو يتوب من معصية معينة وهو رايح يتوب من معصية يعمل ايه يعمل نفس المعصية. هنا دي ايه
لحزة تدخل الشيطان الشيطان بيتمكن من الانسان في اللحظات دي. لحظات الضعف - 00:38:13

اللي هو يقول لك انت انت ما فيش فيك فايدة. انت مش نافع انت منافق انت عمرك ما هتتغيري انت هتفضلي كده فالكلام ده بيخلطي
الانسان بحزن، بأس، ان، هو ممک، بتغير - 00:38:29

واحد رايح يتوب من المعصية فهو رايح يتوب منها ووقع فيها تاني الرجال ده كان ممكن ان هو يقول ايه انا خلاص جربت الطريق
ومشت شوية ما فيش فايدة فخلاص بلف وبر حع - 00:38:42

قال صلى الله عليه وسلم فعرضت او ثم عرضت له التوبة سبحان الله! يعني واحد قتل تسعة وتسعين نفس. راح يتوب فقتل المية
دينا سبحانه وتعالى . بقذف فـ ، قلب هذا الانسان. توبة تانى . - 00:38:55

قال ثم عرضت له التوبة فسأل عن اعلم اهل الارض تدل على عالم فاتاه رايج بقى للعالم فقال انه قتل مائة نفس فهل له من توبة فقال العالمة نعم ومن بحرا بنك وبـ: التهبة - 11:39:00

ولكن اترك ارضاك فانها ارض سوء وانطلق الى ارض كذا فان بها اناسا يعبدون الله تعالى فاعبد الله معه العالم هنا اجابته واضحة. اول حاجة قال نعم لك تهبة من بحرا سنك وبـ التهبة؟ ده سـ ٣٩:٣٨ -

ایه اللي يمنعك عن التوبة؟ يعني ايه اللي يمنع انسان واحد زبي او زيك ان هو دلوقتي فيه زنب في حياته وهو يعلم ان الزنب ده
ممكن اخض ١٥٠٠٢٣٦٤٨٩٦١١١١ - معناع ان انت تغير نفسك - ٠٠:٣٩:٥٨

ايه اللي يمنعك ان انت تاخد خطوة لربنا سبحانه وتعالى من يحول بينك وبين التوبة؟ يا جماعة والله احنا احنا ما لناش عذر والله ما
لناش عذر نعم مرحبا بناء من التمدة الدارجا العالم ١٣:٤٠:٥٠

لیها تفاصیل لیها جو فلماً یرجع للانسان ده یعیش نفس الجو تانی یبقی کده هو بیعرض نفسه ان هو ایه یقع فيها یعنی واحد کان

فقرر ان هو يتوب وبعدين قال انا هبطل خلاص وايمانه علي وسخن وبعدين بعدها ايه اللي حصل؟ بيرجع يقعد مع نفس الصحبة

مرة في اتنين في ثلاثة مع الوقت ايه بيضعف يعني صاحبنا قاتل مئة ده لو كان رجع لنفس الارض تخيل بقى هو راجل اصلا قتال

السفاح بتاعة بتعالاً البلد دي خلاص بقى ما عدش بيقتل. تاب بقى. بقى راجل طيب فيجي كده واحد ايه يعمل معه موقف كده مش

ناس تقلية بك ليه كده؟ انت بقىت هفأ ليه يقول له ايه الراجل اللي هناك ده بيقول عليك مش عارف مين اللي الراجل اللي هناك ده

اه مخلص على طول ما هو متعدد على ده فمش هيتحمل التواجد اصلا المكان اللي سمح للانسان ده ان هو يقتل تسعه وتسعين بني

فالعالم ده فاهم قالوا ان انت عشان تتوب تحتاج تغير البيئة ودي رسالة مهمة يعني النبي عليه الصلاة والسلام

الريحة لما بتتنقل انت ممكن ما تحسش بها يعني مسلا واحد آآ بيقعد مسلا يلعب في محل محل بلاي ستيشن مسلا فال محل بيبقى سبه ركروا في الكمام ده فوي سبه المقال الاحقاً والمطبع بين الناس بانفعال الريحة - [00:42:48](#)

ريحته سجاير وهو ما بيشربش سجاير فهو قاعد الهدوم بتاعته كلها شربت ريحه السجاير. فلما بيروح البيت امه بتقفسه -

00:43:10

انت كنت انت بتشقق يا ستي والله ما بشرب سجاير المهم هو مش شامم اصلاً الريحه. لكن الناس كلها اللي حواليه ايه شم الريحه دي شمة ريحه السجاير. الريحه اتنقلت من غير ما يحس. هو ما حسش بها -

00:43:30

يعني ما استازنتش وهي قالت له خد بالك انا ايه لا ما استازنتش. دخلت ومسكت في الهدوم لما بيقع هدومنه وبيغير وبيبس هدومن من البيت وبعد شوية حد كده من جنب كده الشماعة بي Flemish -

00:43:42

بيقول ايه ده فعل؟ ازاي انا كنت لابس ده وريحته سجاير كده بيرجع يشم لما راح في بيئه نضيفه ماشي رجع بقى بایه بيشم الحاجة الوحشة فاهمين عايز اقول ايه -

00:43:55

فلما هيروح في بيئه نضيفه هيعرف ان ده وحش لكن طول ما هو في وسط الوحش هو شايف ان هو جامد جداً ماشي؟ خليني اكمل الحديث ماشي؟ وبعدين هسمعك ان شاء الله -

00:44:10

قال رسول الله صلى الله عليه وسلم مثل الجليس الصالح والجليسسوء كحامل المسك ونافخ الكير. عارفين نافخ الكبير الحداد بيبقى عنده بتاع كده بتعمل بتطلع نار كده حداد عارفين حداد -

00:44:24

طيب ماشي في يقول ايه النبي عليه الصلاة والسلام قال مثل الجليس الصالح والجليسسوء كحامل المسك. خد بالك كلمة جليس يعني واحد انت بتقعد معه كحامل المسك ونافخ الكير. قال حامل المسك. اما ان يحذيك يعني آآيعطيك -

00:44:41

يديك ريحه حلوة اما ان تبتاع منه تشتري منه واما ان تجد منه ريجا طيبة يعني انت قعدت معه فيا اما هو هيعرتك عارفين لها تبقى في المسجد يقوم واحد مديك واحدة على ايدك كده -

00:45:03

يغى عليك دي يديك ايه يعرتك او ان انت اضعف حاجة خالص وانت قاعد معه هتتعلم منه هتاخد منه خلق كويس ماشي؟ ده حامي المسك اما ونافخ الكبير اما ان

00:45:18

يحرق ثيابك الثياب هنا معناها الدين يعني لما النبي عليه الصلاة والسلام رأى رؤيا وشفاف الناس جاي كل واحد بيجر قميص ثوب ورأى عمر يجر قميصه قال لواحد بيبلغ القميص ايه عند ترقوته -

00:45:36

ثم رأيت رجلاً يأتي يجر قميصه مين ده عمر قالوا فما اولت يعني اولت دي ايه؟ قال الدين الدين فاما ان يحرق ثيابك يعني ممكن تقعد مع واحد يحرق حته من دينك -

00:46:00

يحرق تصور عندك عن الاسلام اصلاً. يعني مش فكرة انه يوقعك في معصية يخليك معتقد اعتقد ان انت مسلا بتشغل دماغك او اي زياده في الدين فما بقتش عبودية فاهمين عايز اقول ايه -

00:46:17

فواحد يقدر معك ينزل لك تصور معين من غير ما تحس اصلاً فيبقى انت عندك التصور ده فهو حرق لك حته من دينك وانت مش واحد بالك اما ان يحرق ثيابك -

00:46:37

واما ان تجد منه ريجا خبيثة قاعد معه بيشتم بيغتاب بيحب في سيرة البنات بيقذف المحننات بيتكلم على فلان او ان هو بيسدك المعصية او لو انت عايز تعمل طاعة يقول لك بس تعال -

00:46:48

رايج يصللي يقول له يا عم تعال ايه يا عم الشيخ خدنا تحت جناحك بقى وادعي لنا معك وعارفين القصص دي ماشي فهنا الطبع والأخلاق والتصورات عن الدين اتنقلت من غير ما الانسان يحس -

00:47:04

فهنا العالم قال له حاجة واحدة بس قال له اترك ارضك قال له عشان تتوب لازم تغير البيئة دي اترك ارضك وانطلق الى ارض كذا. احنا بقى مشكلتنا -

00:47:19

ان احنا مش عايزين نسمع كلمة اترك دي يعني هو انا عايز تيجي تسأل واحدة تحب ربنا طبعاً بتتحب النبي عليه الصلاة والسلام؟ طبعاً. نفسك تبقى في الفردوس الاعلى؟ امال عايز تبقى رفيق النبي صلى الله عليه وسلم في الجنة؟ طبعاً. صح -

00:47:34

دي اسئلة اللي هي ايه اللي هي اصلاً ما ينفعش تجاوب عليها تقول لأ وانت يا احمد احنا هنكرف ولا ايه؟ انا لازم اقول اه ماشي

المشكلة بقى ايه ان بتلاقي واحد عنده الطموحات دي - 00:47:53

ومستوى التضحيات بتاعته ما فيش يعني هو مش عايز يسيب اي حاجة انا عايز ادخل طريق الدين والدين بالنسبة لي مصحة نفسية. انا مزاجي وحش ومقبول شوية فعايز ادخل الدين ايه احس بالسكينة وبالراحة واحد الحاجات الحلوة - 00:48:05

ربنا يوسع علي في الدنيا ويديني الدنيا. الدين بالنسبة لي ايه مصحة نفسية انا داخل اتعالج فمش عايز اضحى بحاجة مش عايز اسيب حاجة بحب صاحبتي مش هسيبيها هكمل معها واحنا نكمل مع بعض في الدين ونصحي بعض الفجر هو ايه مكمل - 00:48:24
بنفس الدماغ اللي قبل التوبة عايز يكمل بها ايه ؟ مش عايز يسيب. مش عايز يسمع اترك. مش عايز اضحى مش عايز انه حد يقول له انت على فكرة انت تحتاج تnam بدرى علشان تصحي تصلي الفجر - 00:48:40

يعني بالله عليك دي تضحيات واحد عايز يدخل الجنة يعني واحد اصلا هو مش عايز يصحي يصلى الفجر مكسل يصحي يصلى الفجر مكسل المسجد جنب البيت عنده مكسل ينزل يصلى في المسجد - 00:48:52

مكسل يعني بيسمع الله اكبر حي على الصلاة حي على الفلاح الصلاة خير من النوم وهو ايه عنده حاجات كتير خير من الصلاة لو لو عند رحلة عنده سهرانة على بروجكت مسلا عنده آآآ محاضرة بدرى يعني هتلاليه عنده - 00:49:06

همة عنده همة يعني عندك طيارة الساعة خمسة الفجر مسلا دلوقتي الساعة خمسة الا عشرة. لو انت عندك طيارة الساعة اربعة ونص هتعمل ايه ؟ هتفوتوك الطيارة ؟ طب الفجر بيفوتنا ليه - 00:49:27

لان هو مش مهم زي بالنسبة لنا. مش مهم زي ميعاد الطيارة لازم اكون صريح مع نفسي انا لو الفجر عندي مهم زي ميعاد اي ميعاد تاني اي حاجة تانية انا مدتها او لوية هصحى - 00:49:41

هي مش المشكلة ان انا مش عارف اصحى يقول لك اصل هو الفجر جاي في وقت مش مناسب انت عايزه ايه يعني يعني يعني نخليلوك الساعة تسعه الصبح عشان يبقى في ميعاد صحيانك - 00:49:55

فهنا في مشكلة في خلل فواحد عايز يبقى في اعلى درجة في الجنة ومش عايز ايه يضحى يعني مش عايز حتى اترك ان انا انام ساعتين بدرى لأ ماشي اترك ارضك فانها ارض سوء وانطلق الى ارض كزا - 00:50:06

يبقى التوبة ايه اترك وانطلق من غير اترك ما فيش ايه ما فيش انطلاقة في معاصي في حياتك زنوب في حياتك لو انت سبتها هتلاليه نفسك ايه فعلا والله انطلقت - 00:50:22

في معصية معينة لو انت سبتها كده هتلالي في حاجات تانية انت ايه ده بقى بقى باحفظ قرآن بقى باحضر دروس وبقى باسمع آآآ باطلب علم هتلالي فيه حاجات تانية - 00:50:41

بسbib ايه ان انا سبت مجرد ما تركت انت تضحي اترك ارضك وانطلق الى ارض كزا فان بها اناسا يعبدون الله تعالى فاعبد الله معهم قال له بص في ناس هناك بتعبد ربنا - 00:50:51

ناس كويسيين روح بس في وسطهم وانت تبقى كوييس رح في وسط الناس دي وانت هتبقى كوييس في واحد اسمه عقبة بن ابي معيط آآآ حد يعرف عنه حاجة ؟ اه - 00:51:06

عقبة ابن ابي معيط ده كان اه كان واحد من من صناديid الكفر في مكة واحد يعني ايه من المشركين الكبار قوي يعني زي ابو جهل وعتبة بن ربيعة وشهيب ابن ربيعة حد ايه تقيل يعني تقيل في الكفر يعني - 00:51:19

عقبة ابن ابي معيط كان آآآ يحب النبي عليه الصلاة والسلام وكان يدعون النبي صلى الله عليه وسلم للطعام ببيان بالكلام مع النبي صلى الله عليه وسلم كان له صديق على خلاف بقى ان صاحبه ده في كتب التفسير او في اسباب النزول ان صاحبه ده ابي بن خلف او ابو جهل. المهم يعني هو حد ايه - 00:51:32

برضو ما يتخيلىش عنه يعني ابو جهل على الرواية ان صاحبه كان ابو جهل يعني كان في سفر وعقبة دعا النبي صلى الله عليه وسلم لطاعه فقال النبي صلى الله عليه وسلم لن اكل حتى تشهد ان لا اله الا الله واني رسول الله. فكان عند العرب يعني عيب ان انت تعزم حد وما ياكلىش يعني - 00:51:51

فالراجل قال الشهادة عشان النبي عليه الصلاة والسلام يأكل يعني ما اسلمش فمين لما صاحبه بقى رجع ابو جهل قالوا له الحق صاحبك سبق طبق يعني ترك الدين يعني فراح رايج له قال له انت ايه سبقة؟ قال له لا انا معك ما سبقتش ولا حاجة عارف انت الحوار ده بيحصل. واحد التزم في الشلة بدأ يصلி فايده يا عم انت في ايه؟ تعال بس رص له حجر - [00:52:13](#)

ان هو بقى كويس فايده فقال وجهي من وجه ابو جهل قال وجهي من وجهك حرام حتى تبتق في وجه محمد عليه الصلاة والسلام وفي روایة حديث ابن مسعود قال كان النبي صلی الله علیه وسلم يصلی عند البيت عند الكعبة - [00:52:39](#)

آآ فقال ابو جهل من يأتي بسلا جزوربني فلان؟ ناس كانوا دابحين جمل فمین يجیب الاماء بتاعة الجمل ويضعها على ظهر محمد وهو يصلی قال ابن مسعود فقام اشقى القوم. عقبة ابن ابي معاذ - [00:52:57](#)

هو عايز يسبت لايده ولاءه ان انا معكم يسبت ولاءه للشلة بتاعته قال فاتى بسلام جزور تخيل امعاء الجمل ومصارينه والدم وحطها على ضهر النبي وهو يصلی عليه الصلاة والسلام - [00:53:15](#)

الشاهد ايه آآ عقبة بن ابي معيط نزل فيه ايات في سورة الفرقان قال تعالى ويوم بعض الظالم على يديه المفروض الانسان بيعض بقى الندم ببعض على ايه على الانامل اطراف الاصابع صح - [00:53:33](#)

ده بيقول لك يوم بعض الظالم ايه اعلى يديه يعني تخيل واقف في ارض المحشر كده في واحد قاعد بيأكل ايده يقول يا ليتنى اتخذت مع الرسول سبلا يا ليتنى كنت سمعت كلام النبي عليه الصلاة والسلام - [00:53:49](#)

يا ويلنا ليتنى لم اتخاذ فلانا خليلا عمل ايه فلان ده؟ قال لقد اضلني عن الذكر بعد اذ جاءنى وكان الشيطان للانسان خذولا يندم فدي خطورة الصحبة. قال تعالى الاخلاء في الدنيا - [00:54:06](#)

كانوا اخلاق في الدنيا وقادعين وبنشرب مع بعض وبنهز مع بعض وبنغتاب مع بعض وآآ وحب في المعصية الاخلاء اه يومئذ بعضهم بعض عدو. الا المتقين. يقول له انت اللي ضيغعني ويمسكوا في بعض - [00:54:27](#)

الا المتقين شفاعة المؤمن لاخيه يوم القيمة. والله الحديث ده فعلا الصحبة الصالحة تشفع يوم القيمة. واحد يروح الصحبة يروحوا لربنا سبحانه وتعالى فيقولون يا رب اخواننا كانوا يصلون معنا ويحجون معنا فاخرجهم من النار - [00:54:42](#)

الحادي ده فعلا بيأسري جدا ان تخيل صحبة انسان تنفعك يوم القيمة ان ده يروح يشفع لك عند ربنا. يقول له يا رب ده صاحبي كان يصلی معي. كان بيحضر معي الدرس. طب ليه - [00:55:03](#)

لعل الله ما احنا هتصاحبوا بقى عشان احنا ما قلناش انه مش ملتزم دلوقتني انت دلوقتني هتدعوه ماشي؟ هتشدده بقى معك خلينا بس ايه واحدة واحدة والاسئلة ان شاء الله كلها في الآخر هتكلم فيها بازن الله - [00:55:21](#)

فالشاهد ايه فشالنا الكلام ايه آآ قال اترك ارضك فانها الرسوم وانطلق الى ارض كذا فان بها اناسا يعبدون الله تعالى فاعبد الله معهم رح لوسط الصحبة غير بيتك غير صحبتك - [00:55:36](#)

قال فانطلق آآ فانطلق دي ما تعديش يعني هو الراجل ده كان ممكن هو الراجل قال له ايه تاخد بالك تحتاج تتوب ومححتاج تغير صحبتك ومححتاج كان ممكن يقول له طب بص انا يعني هرجع ازبط - [00:55:49](#)

دنتي واشوف اموري واشوف البيت عندي. صح ما فكرش قال فانطلق حتى اذا ناصف الطريق يعني فضل ماشي على طول خد القرار وهو واقف خد قرار ان هو يتوب عشان كده النبي عليه الصلاة والسلام حکى للصحابۃ القصة دي - [00:56:02](#)

عشان الراجل ده مميز الراجل ده مش عادي قال فانطلقوا حتى اذا ناصف الطريق اتاه الموت قال فقالت ملائكة الرحمة لقد جاء اسمع دي بقى تائبًا مقبلًا بقبله الى الله تعالى - [00:56:20](#)

جاء ايه تائبًا مقبلًا بقبله. هي دي ان واحد مقبل بقبله على الله سبحانه وتعالى قالت ملائكة العذاب انه لم يفعل خيرا قط آآ ده ما عملش ده ما سجدى لله سجدة ما عملش خير في حياته - [00:56:46](#)

انه لم يفعل خيرا قط. يجعل الله بينهم حکما. ما لك على هيئة ادمي انسان فقال قيسوا ما بين الارضين فالى ايته ما كان ادنى فهو من اهله. فقاوسوا فوجدوه اقرب بشبر - [00:57:04](#)

فقبضته ملائكة الرحيم شبر الشبر ده انت تمسيه في قد ايه؟ فهمته سانية شبر شبر شبر انا بس يا جماعة تخيلوا والله العزيم واحد
الشبر ده فرق معني يعني لو كان هو اتأخر سانية - [00:57:20](#)

كان هيدخل النار سانية في ناس مؤخرة التوبة بتاعتتها سنين سنين عايز يتوب وما بيتبوش ده لو اتأخر سانية خلاص الموضوع انتهى
يعني الشبر ده فرق معه ما تحققش الخطوة اللي هتاخدها ربنا سبحانه وتعالى - [00:57:41](#)

النبي عليه الصلاة والسلام قال لا تحققن منالمعروف شيئا ولو ان تلقى اخاك بوجه طلق الابتسامة بس ما تستقلش انه وانت ماشي
في الجامعة تلاقي واحدة ماشية كده مش واحدة يعني هتلacci كتير ماشيين - [00:58:02](#)

فتفض بصرك دي يعني ممكن عدت كده لكن دي اتكلبت اتسجلت لا تتحقق منالمعروف شيئا ولو ان تلقى اخاك بوجه طلق وربنا
سبحانه وتعالى اكدى على المعنى ده في القرآن. سورة الكهف قال تعالى ان الذين امنوا - [00:58:21](#)

وعملوا الصالحات انا لانضيع اجر من احسن عملا العمل بتاعك مش هيضيع يعني الله سبحانه وتعالى قال تعالى وتوكلى على العزيز
الحكيم كالذى يراك الذي يراك حين تقوم - [00:58:43](#)

عملك مش هيروح النزرة دي مش هتضيع الكلمة الطيبة دي مش هتضيع تمام قال فوجدوه اقرب بشير في اول فائدة هنا ما تأخرش
التوبة ما تسوفش. ما تقولش قدام ما تقولش هتوب قدام. مش هظبط لبسي قدام. مش هبدأ اصلی قدام. دلوقتني خد قرار دلوقتني
وانت قاعد - [00:59:04](#)

ماشي؟ في الرواية الثانية قال فاوحي الله الى هذه ان تباعدي والى هذه ان تقاربه ده مين ده يا جماعة اقاتل مائة ربنا غير عشان
الارض يعني في بلد كده فعلا بعدت يعني ربنا اوحي الى هذه الارض ان ايه - [00:59:26](#)

تباعدي والى هذه انت قاربي. ليه عشان يقبل الانسان ده يبقى انت وانا ربنا ما يقبلناش قال فاوحي الله تعالى الى هذه ان تباعدي
والى هذه انت قربت الرواية الاخيرة بقى - [00:59:52](#)

قال وقيل انه لما اتاه الموتى جعل ينوه بصدره نحوه يعني ايه جعل ينوب صدره يعني لما نزل سكرات الموت بيعمل ايه بيرمي نفسه
جعل ينوه بيزحف نحو ناحية الارض ايه - [01:00:12](#)

صالح ده يقول لك ان الانسان ده كان في قلبه صدق غير عادي صدق غير عادي الحديث فيه معنى مهم هو معنى اسم الله التواب. ان
انت لما تقرأ الحديث ده وتفهم المعاني دي تفهم يعني ايه الله التواب سبحانه وتعالى - [01:00:35](#)

ان هو ازاي تابع على الانسان ده وازاي ربنا سبحانه وتعالى قبل توبة الانسان ده قال تعالى وهو الذي يقبل التوبة عن عباده ويعفو عن
السيئات اه كده احنا يعني يعتبر خلصنا الحديث - [01:00:53](#)

ممكن نقول شروط التوبة اه في كلام كتير في التوبة لكن ان شاء الله يعني مش هنقدر نطول عليكم اكتر من كده ايه شروط التوبة؟
الاقلاع عن الزنب. عن الزنب. ايوه. عشان كده الندم الشديد بعد كده العزيمة بعد كده لو فيه - [01:01:09](#)

متعلقة بناس سواء بيبة او كده او حتى سرقة رد المظالم طيب في شرط بقى قبل كل دول نعم الاسلام الاخلاص خلينا بس كده ايه
نركز عشان دي حاجة مهمة. يعني في واحد - [01:01:23](#)

مسلا كان بيشرب سجائر وبعدين الدكتور قال له ان انت آاه ممكن يجي لك ايه آاه سرطان في الرئة فقرر ان هو يسيب السجائر ليه
عشان صحته هنا ده تاب - [01:01:39](#)

لأ ما سابش ما تابش فشرط من شروط التوبة الاخلاص ان هو اصلا يكون بيعمل ده ايه لله يبقى قلنا شروط التوبة والاخلاص الاقلاع
عن الذنب ان انا اصلا لا يتصور واحد يقول انا تبت من المعصية الفلانية وهو لسه بيعملها يعني انا تبت خلاص معنى كده ان دي ايه -
[01:01:54](#)

بطلت ممكن اقع تاني يعني ممكن اقع فيها تاني هقع وهفضل طول حياتي كده يعني ما تتتصورش الملائكة ان انا هتيجي علي
لحظة خلاص كده هيبقى رضي الله عنه من العشرة المبشرين بالجنة خلاص مش هغلط لا - [01:02:15](#)

هتقع تاني النبي عليه الصلاة والسلام قال ما من عبد الا وله ذنب يعتاده الفينة بعد الفينة ان المؤمن خلق مفتنا توابا اذا ذكر مفتن

يعني معرض للفتنة بيفتن - 01:02:34

بس ايه تواب. يعني مش مفتن يقول لك انا فتنه صعبة وانت مش مش حاسين بي فانا اتفتنت خلاص. انت بتقول فتن اهو وانت اللي قلت ان كل واحد له زنب بيعتاده - 01:02:54

خلاص لأ مفتن ايه تواب اذا ذكر يعني بيقع ويقوم بيقع ويقوم ماشي آآآ يبقى الشرط الثاني الالقاء عن الزنب. الشرط الثالث الندم. قال صلي الله عليه وسلم الندم توبه - 01:03:05

الندم توبة الندم ان انت قلبك يتحرق عالمعصية انت تبقى متضايق ان انت عصيت ربنا سبحانه وتعالى اخر حاجة وده شرط مهم العزم على عدم الرجوع كان نفسى نتكلم فيها بس يعني العزم على عدم الرجوع دي ده شرط من شروط التوبة - 01:03:25

يعنى ممكن واحد اه يبقى سايب الباب بتاع المعصية متوارب يعني انت فاهم؟ هو مش عايز يعمل لها بلوك قوي للبنت اللي بيرحبها علشان عارف لو هي يعني هو ايه انا تبت - 01:03:42

بس ما فيش مانع برضو ان هي تكلمني يعني هي توبة ايه هو ندمان بس ما حققش الشرط الثالث. العزم على عدم الرجوع. العزم ده يعني ايه؟ يعني بيقطع السبب اللي بيقعفي في المعصية - 01:03:57

يعنى هو صادق صادق في توبته بيقول يا رب انا مش عايز ارجع تاني قال ان يكره ان يعود للكفر او للمعصية كما يكره ان يقذف في النار ان هو انا مش عايز ارجع تاني - 01:04:11

مش اللي هي ايه عارف صحيت فاتني الفجر النهارده ايه زعلان وندمان ومش عارف ايه وبعدين ايه انا عارف ان انا داخل انام تاني يوم وانا عارف ان انا مش هصحي - 01:04:28

فما فيش جوايا وانا بتوب ودي انت اللي تعرفها ما فيش حته ان انا مش هاعمل كده تاني فاهمين دي طيب بيقى احنا قلنا اربع شروط. والشرط الخامس هو اذا كان فيه مظالم - 01:04:38

اه حد سرق فلوس من حد؟ في مظلمة في العرض اغتاب حد جاب في سيرة حد اغتاب حد؟ يا نهار ابيض هي دي فيها مزال؟ اه فيها مزال. اه التوبة بتاعتتها اما ان انت تتحلل منه. لو انت تعلم ان هو تتحلل منه يعني ايه؟ او تروح تقول له سلام عليكم. انا اغتبتك - 01:04:54

فانت مسامحني ولا ايه فلو انت تعلم ان هو يعني هيقبل ده وصدره منشرح يعني قل له ماشي ده افضل حاجة لو انت شايف انت لما تقول له ده هيزداد آآآ هيقول لك انت قلت علي ايه هيمسك فيك؟ لا ما تقولوش. بيقى انت تدعى له وتستغفر له وتتصدق عنه آآ - 01:05:12

كده يعني تجتهد في العمل الصالح عشان ربنا يتتحمل عنك المظلمة دي يوم القيمة اه طيب نكتفي بهذا القدر ونعتذر على على الاطالة سير فحالك سبحانك اللهم وبحمدك اشهد ان لا اله الا انت استغفرك واتوب اليك جزاک الله خير. بفضل الله يا رب - 01:05:33

منا ومنكم اللهم امين - 01:05:49